


0596.027
U070



**AWIG - AWIG
Desa Adat Padpadan**



**DESA PETAK KAJA
KECAMATAN GIANYAR
KABUPATEN GIANYAR
1996**



P I D A G I N G
MAKA BANTANG AWIG-AWIG DESA ADAT PADPADAN

MURDHA - CITTA

SARGA	I	ARAN LAN WAWIDANGAN DESA.	
SARGA	II	PATITIS LAN PAMIKUKUH.	
SARGA	III	SUKERTA TATA PAKRAMAN.	
		Palet 1 Indik Krana.....	2
		Palet 2 Indik Prajuru/Dulu Desa.....	5
		Palet 3 Indik Kulkul.....	7
		Palet 4 Indik Parunan.....	8
		Palet 5 Indik Druwen Desa.....	9
		Palet 6 Indik Sukerta Panitegep.....	11
		Kaping 1 Karang, Tegal lan Carik.....	11
		Kaping 2 P e p a y o n a n	11
		Kaping 3 W e w a n g u n a n	12
		Kaping 4 W e w a l u n g a n	12
		Kaping 5 B h a y a	13
		Kaping 6 Panyanggran Banjar.....	14
SARGA	IV	SUKERTA TATA AGAMA.	
		Palet 1 Indik Dewa Yadnya.....	14
		Palet 2 Indik Resi Yadnya.....	18
		Palet 3 Indik Pitra Yadnya.....	18
		Palet 4 Indik Manusa Yadnya.....	22
		Palet 5 Indik Bhuta Yadnya.....	22
SARGA	V	SUKERTA TATA PAWONGAN.	
		Palet 1 Indik Pawiwahan.....	23
		Palet 2 Indik Nyapihan.....	24
		Palet 3 Indik Sentana.....	26
		Palet 4 Indik Warisan.....	27
SARGA	VI	WICARA LAN PAMIDANDA.	
		Palet 1 Indik Wicara.....	29
		Palet 2 Indik Pamidanda.....	29
SARGA	VII	NGUWAH-NGUWUHIN AWIG-AWIG.	
SARGA	VIII	P A M U P U T.	

MURDHA CITTA

Om Suastiastu, Om Awighnanastu nama Sidhan, Putusing Pasaban Krama Desa Adat Padpadan gunawe Awig-Awig Desa Pakranan naka sempat siku-siku pameneh, wastu kasida prayojanan nani kabeh Prasana angidep mwah anagehaken kadi linging Awig-awig iki.

SARGA I

ARAN LAN WAWIDANGAN DESA

Pawos 1

- (1) Desa Adat puniki newastu Desa Adat Padpadan.
- (2) Jebar kakuwub wawidangannya newastu nyatur :
 - a. Sisih Kaler : Desa Adat Mantring.
 - b. Sisih Kangin : Desa Adat Sala
 - c. Sisih Kelod : Desa Adat Madangan Kaja
 - d. Sisih Kauh : Desa Adat Sumita
- (3) Desa Puniki kawangun antuk karangan ayahan Desa lan karang gunakaya wanhtah asiki banjar, tur kaepah dados tigang luwire :
 - Tempek Kaja
 - Tempek Kelod
 - Tempek Kauh

SARGA II

PATITIS LAN PAMIKUKUH

Pawos 2

- Desa Adat Padpadan ngemanggehang Pamikukuh minekadi :
- a. Pancasila Dasar Negara Indonesia.
 - b. Undang-undang Dasar 1945 panekas pasal 18 miwah uger-uger Negara Indonesia siyosan.
 - c. Tri Hita Karana manut sada cara Agana Hindu.

Pawos 3

- Luwir Patitis Desa Adat Padpadan :
- a. Mikukuhin miwah ngerajegang Sang Hyang Agana.
 - b. Nginggilang Tata prawertine naagana.
 - c. Ngerajegang kasukerta Desa saha Pawongannya sakala lawan niskala.

SARGA III
 SUKERTA TATA PAKRAMAN
 Palet 1
 Indik Krama
 Pawos 4

- (1) Sane kabawos Krama Desa Adat Padpadan inggih punika kulawarga sane maagama Hindu saha ngemong utawi tan ngemong karang Desa ring palemahan Desa Adat Padpadan.
- (2) Sajaba punika sinanggeh tamiu.

Pawos 5

Krama Desa Adat Padpadan wenten 4 (petang) pawos luire :

- a. Krama Pangarep : Kulawarga sane ngemong karang miwah tan dados ngampel (manut pararem).
- b. Krama Pangele : Kulawarga sane tan ngemong karang.
- c. Krama Tapukan : Kulawarga sane katinggal seda olih yayah miwah renannya sakewale durung antes ngayah.
- d. Krama Balu : Kulawarga sane katinggal seda olih lamang utawi istrinyane, utawi sang kaning nyapihan.

Pawos 6

Kawit dados Krama Desa :

- a. Sangkaning ngemong karang.
- b. Mawiwit pawiwahan.
- c. Panyeledihin ayah manut pasadok.
- d. Pinunas ngaraga manut perarem.

Pawos 7

Panemayan tedun nekrama Desa :

- a. Nyabran sasih kasanga mawiwit sakeng pawiwahan.
- b. Piniunas ngeraga nyabran panumayan pesangkepan.

c. Yan taniu ngantos 6 (emem) sasih sampun tedun makrama.

Pawos 8

Sahanan Krama Desa keni tategenan (ayah-ayahan) luire :

- a. Krama Pangarep keni urunan, rerampen miwah ayahan mamungkul.
- b. Krama Pangele keni urunan, rerampen miwah petedunan, manut Pararem.
- c. Krama Balu Pengarep keni urunan mamungkul, sakewanten ayahannya manut kabaluannia.
- d. Krama Balu Pangele keni urunan miwah rerampen patedunan manut pararem.
- e. Krama Tapukan keni urunan mamungkul utawi pedagingan.
- f. Prade rikalaning wenten sinalih tunggil Krama matilar seda renge puput karya, wenang krama inucap keni pamidanda tajek tilar kewastanin, manut pararem.

Pawos 9

Swadarmaning Krama sewosan ring tatagenan, luire :

- a. Tinut saturut ring sadaging awig-awig, pararem lam paswaran Desa.
- b. Tan maren ngutsahayang mangda Desane mrasidayang nyujur manut patitis.
- c. Tinut satinut ring Guru Wisesa.

Pawos 10

Piolihi-olihi Krama Desa :

- a. Polih pasayuban sakala niskala tur kabawosin saha katiwaking pamutus sahanan wicaranya.
- b. Nyarengin paruman tur wenang mastikayang pamutus.
- c. Kadadosang madeg Prajuru manut pararem.

Pawos 11

Krama Desa kadadosang :

- a. Mapoangkid utawi tan tedun rikala mapewangun, ngeraabin, nandur (memulih) matepetin keduasan, lan siwosan punika.

- b. Nyada mapiteges ngamademang ayah, risampun mayusa 70 (pitung dasa warsa).
- c. Nyuksukin, tur sane kawenangan risampun manggeh daha teruna utawi mrasidayang nganutin ayah krama.
- d. Nutug ayah antuk arta berana seantukan kapialang utawi ngetos ayah-ayah antuk arta manut paetangan soang-soang, menawi kajudi antuk sang mawangrat, utawi kaluasan 3-7 rahina.

Pawos 12

Wusan dados Krama Desa, luire :

- a. Sangkaning :
 - 1. Pinunas ngaraga, menawi kesah ke dura Desa utawi ngelang kungin segara.
 - 2. Kanorayang, duaning sampun tan prasida ngesehin solah maprawerti setata nguwug kecaping Awig-awig.
- b. Sang wusan mekrama :
 - 1. Patut ngaturang ayahan ke Desa.
 - 2. Tan polih pah-pahan sangkaning padruwen Desa sejawaning pah-pahan ring tempekan manut perarem.
 - 3. Sang wusan dados Krama Desa, prade mawali tedun makrama malih keni pamogog manut perarem.

Pawos 13

Pariindikan tamiu sane menggah ring pawos 4 angka (2) kapidabdab inggih punika :

- a. Krama Desa sane nampi tamiu, patut atur supekse ring prajuru sakirang-kirangnyane arahina ngawit tamiu punika rauh.
- b. Prajuru maritatas tur ngikitayang makadi tatujonnyane rauh tur magenah ring Desa Adat Padpadan.
- c. Sang sapisira nenten negepin pidabdab kadi ring ajeng nenten kalugra jenek, sajabaning wenten sang ngawirang dados walanya.

Pawos 14

Swadarmaning Tamiu :

- a. Tinut stinut ring yasa kerthin Desa Adat Padpadan.
- b. Nyadokang raga ring Prajuru pinih rihin melarapan ilikita pastika saking Desanya.
- c. Tan piwal ring sadaging Awig-awig, pararem lan Paswara Desa.
- d. Yan tan tinut, pacang kairing saking Desa Adat, tan kalugra jumenek ring Desa Adat Padpadan.
- e. Prade wenten tamiu keni baya Kalayu sekaran sane ngawirangang keni penanjung batu lan atos ring Pura Dalem Prajapati, sajawaning sakeng Adat Sala lan Adat Jahem (manut pararem).

Palet 2

Indik Prajuru/Dulu Desa

Pawos 15

- (1) Desa Adat Padpadan kaeter antuk Bendesa Adat.
- (2) Banjar utawi tempekan kaenter antuk klian Banjar/Tempekan.
- (3) Bendesa lan Klian Banjar patut :
 - a. Mawiwit sakeng Krama Desa Adat Padpadan.
 - b. Kaadegang malarapan antuk kapidi olih Paruman Desa nyabran 5 (limang) warsa, sajawaning wenten pariindikan tiyos tur dados kapidi malih.
 - c. Maduluran Desa saksi ring Pura Desa (Bale Agung).
 - d. Uning nyurat aksara latin utawi Bali miwah uning ring pariindikan Agama lan Adat.

Pawos 16

- (1) Bendesa Adat kasanggara olih :
 - a. Patajuh utawi Pangliman pinaka wakilnya.
 - b. Panyarikan pinaka juru surat.
 - c. tetengen pinaka pangemong druwen Desa.
 - d. Kasinoman pinaka juru arah.
- (2) Kasinoman akehnya manut kawigunan saha magilir nyabran sasih.

- (3) Sajeroning ngenterang sukertan niskala Bendesa misinggihang Pemangku Kahyangan Desa.

Pawos 17

- (1) Suadarmaning Bendesa Adat luire :
- a. Ngenterang pelaksanaan/pamargin sadaging Awig-awig miwah pararem Desa.
 - b. Nuntun tur ngenterang Krama rawuhing warga desa ngupadi manut patitis.
 - c. Mawosin kalih niwakang pamutus arep ring wicara warga Desa.
 - d. Maka duta matemuang bawos ring sapesira ugi.
- (2) Prade silih sinunggil Prajuru iwang pangelaksana patut keni pamidanda manut pararem, saha kangkat kararyanang.

Pawos 18

- Patias utawi olih-olihan Prajuru/Dulu Desa luire :
- a. Luput rarampen.
 - b. Luput manuk (Pemangku ring linggih keadegan).
 - c. Polih tanding tengah.
 - d. Patias sewosan manut pararem.

Pawos 19

- Prajuru/Dulu Desa kagentosin riantukan :
- a. Seda.
 - b. Duwaning sampun mayusa 5 (limang) warsa.
 - c. Duwaning iwang pamargin utawi nilar sesana.
 - d. Manut pararem.

Pawos 20

- Indik Shaba Desa :
- a. Nyanggra Prajuru Desa lan nitenin utawi nukreksain Prajuru rikala ngamargiang Awig-awig, Pararem lan Paswara.
 - b. Mastikayang olih-olihan lan panelas beblanja Desa.
 - c. Mikukuhin lan nitenin Pararem-pararem Desa.

- d. Prade Prajuru/Dulu Desa ngalaksanayang sapedaging Awig-awig utawi pararem-pararem tan manut, Shaba Desa wenang marih paigun ring paruman Shaba Desa mangda ngentosin Prajuru Desa.
- e. Sajeroning ngamargiang suadarmaning Prajuru, Prajuru Desa kaabih olih Shaba Desa.

Palet 3

I n d i k K u l k u l

Pawos 21

- (1) Kukul ring Desa Adat Padpadan luire :
 - a. Kulukul Desa.
 - b. Kukul Banjar.
 - c. Kukul Pemaksan/Dadia
 - d. Kukul Sekaa.
- (2) Tabuh tatepakan Kukul Desa miwah Banjar.
 - a. Kalih tuludan banban, tengeran tedun ngayah utawi sangkep.
 - b. Tengeran baya :
 - 1) Atuludan bulus, tengeran jadma ngamuk.
 - 2) Kalih tuludan bulus, tengeran karampokan/kamalingan.
 - 3) Tigang tuludan bulus, tengeran geni baya.
- (3) Tengeran kukul kalayu sekaran (patus seda)
 - a. Tigang gelendungan, tengeran mitahuang.
 - b. Kalih tuludan banban, tengeran nedunag Banjar.
- (4) Ngepang mawanti-wanti tigang glendungan cihna ngawangdeang karya.
- (5) Tengeran Kukul Pawiwahan, atuludan nganden tigang glendungan.

Pawos 22

- (1) Kukul Desa utawi Banjar tan wenang katepak yaning tan sangkanning pituduh Prajuru Desa/Banjar, sajawaning tengerang bhaya.
- (2) Sang nepak tan sangkaning pituduh prajuru Desa/Banjar patut di gelis atur supeksa maka buatan panepake, yan tan asapunika wenang sang mamurug kadanda manut pararem.
- (3) Kukul sekaa semaliha kukul pondokan tan kalugra nyawurin (matehin) tengeran kukul Desa/Banjar sejawaning tengeran bhaya, yan prade mamurug keni pamidanda manut pararem.

Palet 4
T e d i k P e r u m a n
Palet 23

- (1) Peruman/sangkapan ring Desa Adat Padpadan werten :
 - a. Peruman/sangkapan Banjar kawentenanng :
 - 1) Nyabran ngassih ritakkala tumpak, maka dihma tanpa arah-arah duaning sampun tetep panuhaya manuh perereh banjar.
 - 2) Nephala (patgata kala) mejalasan arah-arah manuh tetujan.
 - b. Peruman/sangkapan Desa utawi Prajuru/Dulu Desa kawentenan manuh wiguna.
 - c. Peruman/sangkapan bekas-bekas manuh nabuat.
- (2) Peruman Desa utawi Banjar sadudunan sekadi ring sor :
 - a. Presida lumaksana rissepun katedunin antuk sang ngemiletin, kasanggala antuk tengeran kulkuil mivah buana adal, saha tan kalugre makna gagawan sakaluire
 - b. Tan kalugre ngawetuang musa guru utawi ujar apredas, yening werten sampunika kami pasidanda boya pacasil manuh perereh.
 - c. Pamulus bebawan pan sampun betruk sapangdul sunika saka kasanggahang.
- (3) Prade pidaging peruman tan kalugreng sangda Prajuru/Dulu Desa ngililang bebawan, saka pugasannya kasanggala antuk krama Desa, silih tan presida kasanggala jantun ping tija Prajuru/Dulu Desa kawang sunas ring sang ngana Manang.

Palet 24

- (1) Sabaroning peruman Desa, prajurit Desa pasas nyarayanang pamarang nganilrang Desa, pasas nganilrang ladia :
 - a. Mulus lungsur ring palarasan saka arah-arahna, mulis pamarang sika sunas Desa
 - b. Kasanggala Prajurit ngawetung saka Desa kasanggala
- (2) Pamulus peruman Desa kasanggala pasas saka pamarang sadang Awig-awig.

Pawos 25

- (1) Sangkepan Prajuru/Dulu Desa madruwe kawenangan agarincikang pangrencana usaha Desa kapungkur.
- (2) Sangkepan Prajuru/Dulu Desa tan kawenang ngamedalang tategenan ring Krama sadereng kaingkupin.
- (3) Pamutus sangkepan Prajuru/Dulu Desa ngawetuang pararem, maka pidaging pituduh sang Ngawewenang utawi ngonekang pecak perarem Krama Desa.

Palet 5

Indik Druwen Desa

Pawos 26

Padruwen Desa Adat Padpadan sakadi ring sor :

- (1) Kahyangan Desa luire :
 - a. Pura Kahyangan Tiga.
 - b. Puara Agung.
 - c. Pura Dalem Kadutuan.
 - d. Pura Prajapati.
- (2) Bale Desa/Banjar.
- (3) Karang ayahan Desa.
- (4) Laba Pura : carik miwah tegal manut ilikita.
- (5) S e t r a .
- (6) Lelanguan minakadi Gong abarung lan ilen-ilen.
- (7) Miwah padruwen tiyosan mekadi L P D, manut S K Gubernur.

Pawos 27

- (1) Prajuru Desa wenang ngetangan pamupun laba lan sapanunggalan druwen Desa.
- (2) Pikolih lan pamuponnya kaanggan prabeya piodalan saha wewangunan ring Pura.
- (3) Nyabran pasangkepan Desa, Prajuru/Dulu Desa pangamong druwe ngawentenang pariindikan munjuk lungsuring ring Krama Desa.

- (4) Sakaluiring druwen Desa patut wenten ilikitannya.
- (5) Tan kalugra ngadol druwen Desa utawi ngesahang druwen Desa yan tan kasungkemin olih Krama Desa ring parunan.

Pawos 28

Piolihi-olihi Desa Adat Padpadan luwire :

- a. Piolihi-olihi saking palaba Pura.
- b. Urunan Krama Desa Adat.
- c. Paica saking Guru Wisesa.
- d. Paica-paica sane tiyosan sane patut.

Pawos 29

- (1) Maka sami tanah pakarangan sane magenah ring palemahan Desa Adat Padpadan sinanggeh padruwen Desa, kabawos tanah karang Desa utawi ayahan Desa, mapipil utawi tan mapipil.
- (2) Karang ayahan Desa wantah dados kaamong olih soang-soang Krama Desa sane maagama Hindu, tur prade kaperinhang olih Desa Pakraman, sangkaning kawentenang pawangunan ring desa pakraman.
- (3) Prade tanah karang Desa sane kadaut olih Desa Pakraman. Krama sane ngemong karang inucap polih pangentos karang lan wangunan saking Desa pakraman sapatut ipun, manut ring kawentenan wewangunannya sane sampun wenten ring karang inucap.
- (4) Sajawaning genah sane sinanggeh suci sakadi Pura utawi pamrajan, lan sane tiyosan patut sinanggeh genah suci, karang ayahan Desa dados kaalahang kaanggen margin desa sepatut ipun tur tan polih pangentos saking Desa pakraman.
- (5) Karang ayahan Desa tan kalugra :
 - a. Katunasang pipil tanah olih soang-soang Krama sane ngemong karang, munggah wastan padewekan Krama sane ngemong, sejawaning wenten pituduh saking Sang Guru Wisesa manut pariindikan.
 - b. Kaadol utawi katumbas, sejawaning papayonan lan ayah-ayahan padruwen krama sane ngemong manut pararea.

Palet 6
Sukerta Pamitegep
Kaping 1
Karang, Tegal miwah Carik
Pawos 30

- (1) Krama Desa pangemong karang Desa patut ngawatesin karang inucap antuk tembok utawi pagehan turus wates inucap janten.
- (2) Wates sisi kaler miwah kangin patut kakaryanan olih sang ngemong ayahan inucap sane nawasta nagaleng keluan, sejawaning tanah pecatu, tegal, carik utawi tanah padruwen ngaraga, sane kapiara watese sisi kelod miwah kauh utawi manut dresta, reh punika nawasta nagaleng keteben.
- (3) Prade kerasayang tembok utawi pagehan wates punika ngali kadin, yaning pada arsa panyandinge dados watese ngangge pinget, kawenten kasaksinin olih Prajuru Desa utawi prahcina ngangge pal saking sang Ngawerat.
- (4) Prade wenten karang kabebeng mangda kautsahayang wenten pamarginnya manut paigum lan pararen.

Pawos 31

- (1) Sinalih tunggil Krama Desa tan kalugra :
 - a. Ngalah-ngalahan margi, tegal, carik lan sapanunggalannya.
 - b. Ngalah-ngalahan tanah tegal Desa, Kahyangan, Setra miwah sakancan linggih sane kasinggeh suci.
- (2) Prade wenten sekadi ring ajeng, sang ngalah-ngalah patut ngawaliang tanah inucap saha keai panidanda, kadulurin upakara ring tanah inucap manut pararen.

Kaping 2
P e p a y o n a n
Pawos 32

- (1) Ngawit nandur pepayonan tanem tuuh sakirangnya adepa agung (2 meter) ngajeroang sakeng wates, prade jantos ngaliwat wates wenang kasepat gantungin.

- (2) Yaning wenten tetanduran ngungkulin samaliha wastu mayanin kapisaga, patut kawara antuk paigum ping ajeng prasida sang nruwenang wit ngarebah utawi notor.
- (3) Prade sampun kawara tan wenten sang nruwenang wit sang rumasa kajerihan, wenang masadok ring Prajuru Desa tur risampun kaparitatas kalugra ngicalang wit inucap.
- (4) Sang sane madruwe wit ngarubuhin kapisaga, patut keni pamidanda, sang notor panyangaskara saha prabeya manut pararem.
- (5) Sajeroning nandur tanem tuwuh ring karang Desa, mangda nginggilang kaasrian Desa.

Kaping 3

W e w a n g u n a n

Pawos 33

- (1) Nyabran Ngawangun mangda :
 - a. Masadok ring Prajuru, prade ngewangun wates.
 - b. Ngangge sukat Asta Bumi miwah gagulak Asta Kosala Kosali sanintaning manut ring patitis niskala.
- (2) Prade wewangunan ngantos nyayubin kapisaga, bilih-bilih tembok ring telengin wates, risampun kawara tur kasadokang ring Prajuru, wenang kadanda manut pararem, saha wewangunan inucap kapugar utawi sanistane mangda kakaryanan abangan.

Kaping 4

W e w a l u n g a n

Pawos 34

- (1) Sapasira ugi sane mamiara wewalungan ring wawidangan Desa Adat Padpadan patut siaga nitenin negul uatawi ngelogor mangda tan ngrusak karang utawai paabianan Krama tiyosan bilih-bilih jantos ngaletihin Kahyangan.
- (2) Prade wenten wewalungan ngalumar utawi ngeleb, ngarusak pekarangan utawi paabianan krama tiyosan, risampun kawara patut kataban tur kadanda ngawaliang wit sane karusak saha naur panebus papiaran tetabanan manut pararem Desa.

- (3) Prade jantos ngaletihin linggih suci, risampun kaparitatas olih Prajuru, wenang sang nruwenang wewalungan kadanda miwah ngawentenang aci pamirisudaan manut pararem.
- (4) Krama Desa patut nyanggra wewalungan miwah sarwa prani tan kalugra ngamademang paksi miwah nuba ulam utawi sane sewosan, yan wenten melaksana sakadi punika wenang kadanda manut pararem, tur kaaturang ring Sang Ngawawenang.

Kaping 5
Indik Bhaya
Pawos 35

- (1) Pariindikan Bhaya luire, jiwa bhaya, geni bhaya, arta bhaya lan dura cara ring Agama.
- (2) Bilih mabuat kawentenang bhaya punika, sang uning ring kawentenang bhaya patut di gelis nepak kulkul manut pawos 21 (2) aksara b.
- (3) Pade ring Desa kahanan jiwa baya, dura cara ring Agama Desane ngaturang upacara Bhuta Yadnya, tur sang mayanin katur ring Sang Ngawawenang.
- (4) Prade wenten jadma memisuh utwi nguman-uman jatma tios, kakenin pamidanda beya pacamil tebasan prasyascita.

Pawos 36

- (1) Sang manggihin kahanan artha bhaya (kemalingan), patut ngulkul mapitulung manut pawos 18 (2) aksara b, utawi sang kemalingan atur supeksa ring Prajuru/Dulu Desa sane pacang nandinin saha mawuwuh panyangaskara prade wenten jadma ngemaling barang sinanggeh suci.
- (2) Pratingkahe mapailon ring dusta kabawos saroro, prade wenten krama manggihin maling nenten nyadokang ring Prajuru yan nyantos jadma siyosan nyaduang, patut keni pamidanda pateh kadi maling, tur ping tiga melaksana asapunika wenang kasukserahang ring Sang Ngawawenang.
- (3) Prade wenten jadma melaksana mamaling sahaning barang-barang sane wenten ring pura, prade kakeniang patut sinang askara tur sane ngamaling patut keni pamidanda perarem.

- (4) Yening wenten jadma ngeranjingin pakubon wiadin pakarangan rikala suwung, mewastu sang madruwe karang kaicalan, wenang jadma inucap katuwekang antuk medewa saksi ring Pura Bale Agung.
- (5) Mangda tan katuwekang manut ring ajeng, asing-asing ngeranjingin kubon jadma tiyosan patut :
- a. Matenggeran suara (mekaukan).
 - b. Nyantos Sang nruwenang karang rawuh utawi mesadok ring pengapit pinih tampek, maka buatan pangeranjinge.
 - c. Pamedal karangnya kadagingin sawen, maka cihna pengarah rikala suwung.

Kaping 7
Panyanggran Banjar
Pawos 37

Krama Desa rikala ngawentenang karya suka duka patut kasanggra antuk banjar, luire :

- a. Prade wenten kalayu sekaran , Krama Desa Adat patut ngamargiang pagebagan manut pararem.
- b. Prade wenten sinalih tunggil Krama Desa pacang ngawangun karya Pitra Yadnya, sapariindikan panyanggran manut pararem Banjar lan Dresta.

SARGA IV
SUKERTA TATA AGAMA
Palet 1
Indik Dewa Yadnya
Pawos 38

- (1) Palinggih panyiwian sewidangan Desa Adat Padpadan luire :
- a. Kahyangan Tiga : Pura Desa/Bale Agung, Pura Puseh lan Pura Dalem Prajapati.
 - b. Pura Agung.
 - c. Pura Dalem Kadatuan.
- (2) Rahina piodalan soang-soang kahyangan inucap kadi ring sor

- a. Ring Kahyangan Tiga, luire :
 - 1. Pura Desa/Bale Agung miwah Pura Puseh rikala Purnama sasih Kelina.
 - 2. Pura Dalem Prajapati, rikala Anggara Kasih Tambir.
- b. Pura Agung, rikala Bude Wage Kalawu.
- c. Pura Dalem Kadatuan, rikala Purnama Sasih Kadasa.
- (3) Pangaci ring Pura inucap manut kecap santra Agama, saha kelaksanayang nista, madia, utama manut kawentenan lan pararem.
- (4) Pengempon soang-soang Pura manut dresta kadi ring sor :
 - a. Pura Kahyangan Tiga miwah Pura Agung kaempon olih Krama Desa Pengarep.
 - b. Pura Dalem Kadatuan kaempon olih Krama Pangarep lan Pangele.

Pawos 39

- (1) Ring soang-soang Pura inucap kawentenan Pemangku.
- (2) Ngadegang Pemangku manut dudonan :
 - a. Katurunan utawi ngawaris.
 - b. Nyanjan utawi nunas pawisak Widhi.
 - c. Kapidí olih Krama Desa Adat.
- (3) Tan Kawenang angge Pamangku, luire :
 - a. Ceda Angga.
 - b. Sakit Ila.
 - c. Edan.
 - d. Sane tan kapatutang manut Pustaka Kapenangkuan.
 - e. Sane tan maderbe kasucian urip.
- (4) Prabeya Kapenangkuan :
 - a. Adhiksa Widhi (ngawintenin) kamedalin saha kalaksanayang olih sang ngadegang, nekadi Krama Desa utawi pangemong pura soang-soang.
 - b. Layon Pamangku tan wenang kapenden, lanang - istri.
 - c. Pitra Yadnya Ngaben Pamangku inucap kelaksanayang utawi kasungkenin olih Krama Desa Adat utawi sang ngadegang.
- (5) Pamangku patut ngananggehang sesananing Pamangku manut sastra Agama luire :
 - a. Tan wenang ajajuden.
 - b. Tan wenang parek ring naya dusta.

- c. Tan atayub ring tarub camarayudha.
- d. Tan pati pikul-pikulan.
- e. Ambek dharma sadu.
- f. Asewaka dharma, makadang sastra utama.
- g. Tan ngranjing ring umah wong drati krama.
- h. Tan amangan lan anginum sahananing sane ngawe mada.
- i. Tan wenang salab sulub.
- j. Tan keneng cuntakaning wong len, sejawaning kulawarganya tunggil natar, utawi pasiwanya sane seda.
- k. Tan ngranjing ring umah wong baniija karma.
- l. Tan griganing wong akuweh.
- m. Tan wenang anayub upadrawaning cor teka wenang adewa saksi, yan mawiya wahara.

Pawos 40

Swadarmaning Pamangku Kahyangan Tiga luire :

- a. Ngenterang upacara piodalan ring kahyangan utawi yang kaperihang ring soang-soang pakubon krama manut pararem lan dresta.
- b. Prade salih sinunggil Pamangku kapialang utawi cuntaka dados nguntap Pamangku siyosan, utawi nuur sang Sulinggih.
- c. Yaning Pamangku sedek ngayah di Pura rikala piodalan, wenten kulawarganya kalayu sekaran, pamangku inucap tan keneng cuntaka, sakewanten Pamangku tan dados budal salani piodalan.
- d. Prade Pamangku inucap malih ngalap rabi, patut ngawintening raga malih, lanang istri.
- e. Yaning Pamangku malaksana tan patut ring sesananing kapamangkuan yan mamurug wenang Pamangku inucap nyepuhin raga.

Pawos 41

Patias utawi pioli-pioli Pamangku Luire :

- a. Sarin canang miwah aturan-aturan lian rikala piodalan ring Kahyangan manut pararem.

- b. Sarin canang soang-soang pakubon Krama Desa.
- c. Luput padagingan miwah raranpen rikala piodalan.
- d. Patias siyosan manut pararem miwah dresta.

Pawos 42

Pamangku kagentosin riantukan :

- a. S e d a.
- b. Pinunas ngaraga manawi kageringan lan sapanunggalannya.
- c. Kawusan olih Krama Desa Adat riantukan melaksana sane piwal ring sesana.

Pawos 43

Kasukerta Kahyangan kadi ring sor :

- a. Tan kalugra ngranjing ka Pura luire :
 - 1) Sang katiban cuntaka.
 - 2) Makta sahanan sane kasinanggeh ngaletihin.
 - 3) Sato Ageng sajawaning rikala mapada.
 - 4) Mabusana tan patut kadi caraning ka Pura.
 - 5) Tan kapatutang ngranjing ka Pura ngalah masa, yening wenten kabuatang patut mapiuning ring Prajuru/Dulu Desa.
 - 6) Sadereng polih uwak-uwakan utawi pituduh sakeng Prajuru Desa utawi Pamangku.
- b. Pratingkahe tan wenang ring Pura :
 - 1) Masumpah utawi cor sajawaning pituduh Prajuru Desa.
 - 2) Makobetan, masesenangan, makolem dados asiki lanang istri, mawikara, mabacin, nyangsang busana, macecepin rare, manain pusungan lan sapanunggalannya.
 - 3) Mungggah tedun palinggih, sajawaning pituduh Pamangku utawi Prajuru Desa.
- c. Sang mamurug kecaping ring ajeng, keni pamidanda pamarisudan sapatutnyane manut pararem.

Pawos 44

- (1) Yan wenten jadma karauhan ring Pura/genah suci, dados

kapintonin prade rumasa kasumangsayan yanin tan wiyakti jadma inucap kasisipang manut pararem.

- (2) Prade Kahyangan kahanan durmanggala minakadi bhaya, Pamangku utawi sang ngamanggihin patut digelis nyadokan ring Prajuru, Prajuru Desa mangda marumang Krama Desa tur ngawentenang pamrayascita manut sastra Agama.

Palet 2

Indik Rsi Yadnya

Pawos 45

- (1) Sang pacang madeg Pandita utawi Pinandita minakadi Balian Sonteng, Dalang, saluwire jagi ngenterang yadnya patut masadok ring Prajuru Desa kalih Parisada Hindu Dharma.
- (2) Prajuru Desa patut ngawintenin tur nawang ngalangin prade wenten kacihna kakecap miwah drestane, tur sareng nyaksinin upacara, saha nyobyahang ring paruman Desa tegep rauhing wates kawenangan pangenter yadnya.

Pawos 46

- (1) Sang Sulinggih patut ngeriyinang ring wawidangan jagat sane ngadegang, sesampun wawu muputang yadnya ke jebar jagat tios utawi ke Pura Desa.
- (2) Krama Desa sami patut sareng nitenin katuntun antuk Prajuru utawi Dulu-dulu, mangda sehanan yadnya sane kawentenang kaicen pamuput olih Padanda utawi Pinandita manut kawenangan soang-soang.

Palet 3

Indik Pitra Yadnya

Pawos 47

Pamargin Pitra Yadnya madudonan manut sekadi ring sor :

- a. Pangupakara Sang kalayu sekar :

1. Antuk mendem, makacihna makingsan ring Ibu Pertiwi, antuk ngeseng makacihna makingsan ring Geni, selami nutupang prabeaya.
2. Atiwa-tiwa (upakara pangabenan utawi palebon).
- b. Atiwa-tiwa utawi pangabenan wenten tigang soroh, luire :
 1. Sawa Prateka.
 2. Nyawa Rsi.
 3. Nyuwasta.
- c. Panemayan pangabenan wantah kalih, luire :
 1. Ngaben dedadakan utawi bah bangun.
 2. Ngaben ngamasa sajeroning tigang warsa utawi manut pararem.
- d. Upacara upakara Pitra Yadnya riwus kaabenan mewastu munggah daun bingin (ngeroras) wawu kalaksanayang pelinggih Dewa Hyang Bhatara-Bhatari.

Pawos 48

Suadarmaning lan tategenang prade wenten sinalih tunggil Krama Kelayu sekaran :

- a. Sang kaduhkitan patut :
 - 1) Nyadokan ring Klian Banjar lan Bendesa Adat tur nunas tatimbangan indik kawentenannya.
 - 2) Sang madruwe kalayu sekaranan patut nunas dewasa ring sang meraga Sulinggih.
 - 3) Ngaturin Banjar ngarombo makarya eteh-ete kadulurin panyambrahma canang sasidan antuk.
- b. Suadarmaning Banjar/Desa Adat.
 - 1) Klian Banjar/Bendesa Adat maritatas pamargin sang kaduhkitan, pinake pacang kapendem, makingsan rii utawi lantur kaabenang.
 - 2) Prade sampun paritatas raris kawentenang kulkul pamitahu manut pawos 21 (3) aksara a.
 - 3) Panyanggran Banjar/Desa Adat salanturanya :
 - a. Soang-soang Krama patut nedunin pasuka-duka.
 - b. Panyanggran Banjar/Desa Adat salanturanyane kaetang manut dresta lan pararem.

Pawos 49

- (1) Tan kalugra nyekah sawa langkungan ring pitung rahina, sajawaning pacang kaaben nyantos padewasan.
- (2) Tan Kalugra nginepang bangbang.
- (3) Tan kalugra mendem sawa rikala rahina :
Semut sadulur, kala gotongan, was pangaten, pasah, ingkel wong, kajeng kaliwon, prawani, purnama, tilem, soma umanis taulu, rarahinan jagat, pepedan lan titibuwuk.
- (4) Prade wenten kalayu sekaran rikala wenten piodalan ring pura, dados mendem sasiliban, tan pasadok tur mamargi rikala wengi kasetra.

Pawos 50

- (1) Sane kasinanggeh kacuntakan sekadi ring sor :
 - a. Cuntaka antuk kalayu sekaran
 - b. Cuntaka antuk ngaraja sewala
 - c. Cuntaka antuk ngembasan putra
 - d. Cuntaka antuk karuron
 - e. Cuntaka antuk pawiwahan
 - f. Cuntaka antuk sakit ila, buduh
 - g. Cuntaka antuk gamia gamana
 - h. Cuntaka antuk salah timpal
 - i. Cuntaka antuk yaning wenten anak istri mobot nenten mejalaran upakara pabiukawonan lan pawidi widana
 - j. Cuntaka antuk anak istri ngembas putra tan majalaran upakara pabiukaonan lan pawidi widana
 - k. Cuntaka antuk mamitra ngalang.
- (2) Sengker cuntaka manut kawentenannia :
 - a. Cuntaka antuk kalayu sekaran :
 - 1) Prade kapendem :
 - a) Mantuka ring krama Desa sengkernya tigang rahina
 - b) Mantuke ring kulawarga sane madruwe kalayu sekaran manut dresta tur sampun ngamargiang upacara mesesapuh
 - 2) Prade kaabenang, cuntaka sang nyambut karya sengkernya ngawit sakeng nanjeb utawi nyambut padewasan ngantos puput yadnya, ngalanturar malih

- tigang rahina.
- b. Cuntaka ngeraja sewala tigang rahina ngawit saking ngraja sewala utawi selamaning ngeraja sewala.
 - c. Cuntaka ngembasan putra, 42 rahina (abulan pitung dina) ngawit saking putane embas, tur sampun kaupakarayang makambuhan manut dresta lan Agama sane istri, sane lanang wantah akepus pungsed.
 - d. Cuntaka karuron sengkernya abulan pitung dina (42 rahina) tur sampun matirta pamerascita.
 - e. Cuntaka pawiwahan, cuntakanyangantos sasampun mapabiukawonan utawi upacara pawiwahan.
 - f. Cuntaka gamia gamana, cuntaka nia ngantos sesampun kapalasang, tur sampun kawentenang pamerascita raga, pamerascita Desa Adat utawi Kahyangan.
 - g. Cuntaka salah timpal, kapuputang sakadi manut ring agama Hindu tur dresta/adat.
 - h. Cuntaka sang mobot tan mejalaran antuk upakara pawiwahan manut cara Agama Hindu, sengkernya ngantos kawentengan upacara pawiwahan utawi pabeyakaonan, tur ring Adat keni pamidanda manut pararem.
 - i. Cuntaka ngembas putra tan mejalaran upakara pawiwahan (putra tan wenten yayahanya) sengkernya ngantos sang putra wenten mameras, tur sampun kawentenang upakara manut dresta lan Agama Hindu, ring adat keni pamidanda manut pararem.
 - j. Cuntaka mamitra ngalang, cuntakania ngantos kawentenang upakara pabiukaonan.

Pawos 51

- (1) Papatusan pangabenan :
 - a. Ngaben ngamasa, luire : beras duang kilo, gesing siki kelabang sakuwub, kelapa duang bungkul.
 - b. Ngaben dedadakan nenten wenten pepatusan.
- (2) Pangingun ring Krama Banjar ngawit ngayah manut abot dangan kawentenan karya.

Palet 4
Indik Manusa Yadnya
Pawos 52

- (1) Manusa Yadnya inggih punika upakara-upakara dhramaning manusa, ngawit sakeng patemoning kama bang lan kama petak sajeroning garba ngantos kalyu sekar riwekas.
- (2) Upakara kadi ring ajeng madudonan sakadi ring sor :
 - a. Magedong-gedongan, duk pangerempian ibiang.
 - b. Duk sang kamareka medal.
 - c. Kepus udel.
 - d. Roras rahina.
 - e. Tutug kabuhan (42 rahina).
 - f. Tigang sasihin (3 bulan).
 - g. Pawetuan/oton/odalan (6 bulan).
 - h. Tutug kelih (ngeraja wadon, ngembakin lanang).
 - i. Metatah/mapandes.
 - j. Mawiwaha.
 - k. Mawinten.
- (3) Upacara-ipacara inucap nista, madia, utama manut sastra Agama saha catur dresta, maka buatang desa dresta ngawinang sima cara Desa.

Palet 5
Indik Bhuta Yadnya
Pawos 53

- (1) Bhuta Yadnya inggih punika upacara-upacara byakala ring pertiwi lan kahyangan, sarwa prani saha upacara-upacara ring bahutan, miwah ring piranti sewosan.
- (2) Upacara pabyakala ring sarwa prani, sarwa tumuwuh muang piranti luwire :
 - a. Ring sarwa lelandepan, rikala Saniscara Kliwon wuku Landep.
 - b. Ring sarwa tumuwuh, rikala Saniscara Kliwon Wariga.
 - c. Ring sarwa wahana, rikala Saniscara Kliwon Kuningan.
 - d. Ring sarwa lelanguan rikala Saniscara Kliwon Krulut.
 - e. Ring sarwa ingon-ingon/wewalungan, rikala Saniscara Kliwon Wuku Uye.

SARGA V
SUKERTA TATA PAWONGAN
Palet 1
Indik Pawiwahan
Pawos 55

- (1) Pawiwahan ingih punika patemon purusa lawan pradana melarapan panunggalan kayun suka cita kadulurin upasaksi sekala lan niskala.
- (2) Pamargin pawiwahan luire :
 - a. Pepadikan, kariinin antuk pakrunayan.
 - b. Ngarorod, merangkat riyin wawu kakurenayang.
 - c. Nyeburin utawi sentana nyeburin.
- (3) Pidabdab sang pacang mawiwaha patut :
 - a. Sampun manggeh daha teruna nganutin Uger-uger saking Guru Wisesa.
 - b. Sangkanin pada rena/lila (tan kapaksa).
 - c. Nganut kecaping Agama (tan gamia gamana).
 - d. Kasudi wadani, prade pengambile tiyos agama sadurung kamargiang pawiwahan.
- (4) Pamargin pawiwahan mangda nganutin Uger-uger Pawiwahan sane kamanggehang olih Guru Wiwesa.

Pawos 57

- (1) Pawiwahan sane kpatutang ring Desa Adat, sekadi ring sor :
 - a. Sampun kamargiang upacara Dewa saksi, Bhuta saksi, Manusa saksi.
 - b. Sampun kacihnayang antuk suaran kulkul.
 - c. Pawiwahan inucap ring ajeng sampun kailikitayang ring Sang Ngawewenang.
- (2) Parabian sane tan manut kadi ring ajeng sinanggeh tan patut.

Pawos 57

- Tata caraning parabian patut sakadi ring sor :
- a. Sapa sira ugi pacang ngawarangan kulawarganyane patut masa

- f. Ring sarwa raringgitan/ukiran rikala Saniscara Kliwon Wuku Wayang.
- g. Upacara pakalan-kalan manusa manut widana kabawos : Pabyakala.
- (3) Upacara pabyakala ring pertiwi, kahyangan lan babhutan kawastining mecaru.
- (4) Pacaruan inucap ring ajeng nista, madia, utama, manut wiguna ring sor.
- | | |
|----------------|----------------|
| a. Kasata | d. Resi Gana |
| b. Panca Sata | e. Tawur Agung |
| c. Panca Sanak | f. Panca Kelud |
- (5) Sajawaning kadi ring ajeng kawentenang upacara :
- | |
|---|
| a. Masaiban utawi yadnya sesa rikala wusan ngaratengan. |
| b. Maspuh-sapuh rikala pacang wali/piodalan ring Pura. |

Pawos 54

- (1) Pacaruan pasasihan nangken sasih kelima, keenem, sasih kapitu, sasih kaulu, sasih kasanga, utawi rikala wenten bhaya.
- (2) Upacara rikalaning Tilem Kasanga kawentenang Tawur Kasanga, ketah kabawos Ngerupuk, makacihna pacang magpag rahinan Panyepian.
- (3) Upacara sane kamargiang antuk Krama Desa Adat :
- | | |
|--------------------|---|
| a. Amati geni | : Tan kengin meapi-api |
| b. Amati karya | : Tan kengin nyambut karya |
| c. Amati lelanguan | : Tan kengin maoneng-oneng, masuara goro, lan sapanunggalannya. |
- (4) Paberataan inucap kamargiang sakeng seneng ngantos wengi (Surup Surya) raris kasuarayang kulkul makacihna pangembak.
- (5) Sang mamurug kecapin ring ajeng keni pamidanda manut pararem ring banjar/tempek, soang-soang kamargiang antuk patelik (Pacalang Desa).
- (6) Riwus rahina Nyepi (benjangne) maka cihna pengawit Icaka Warsa patut soang-soang warga Desa sami ngaksama.

dok ring Prajuru, salanturnyane Prajuru maritatas manut utawi tan manut pamargin pawiwahanne.

b. Pamargin papadikan manut dudonan :

- 1) Pakrunan
- 2) Papadikan
- 3) Pamuput.

c. Ngarorod utawi marangkat patut :

- 1) Guru Rupaka sang purusa ngawentenang pamilaku antuk duta sakirangnia kalih diri, tur atur supeksa ring Prajuru indik tata cara panegteg manut pararèm.
- 2) Yan prade pangalukuanne sampun katampi patut ngamargiang papradangan.
- 3) Prade pangalukuanne tan katerima, upacara widi widana tetep kamargiang.

Pawos 58

Upacara pawiwahan kamargiang manut dadudonan kadi ring sor :

- a. Makalah-kalahan (Beyakala)
- b. Mawidi widana (Masakapan)
- c. Majepati ring merajan wadone
- d. Majepati pesaksi ring Pura Desa

Palet 2

Indik Nyapihan

Pawos 59

- (1) Pawiwahan prasida kawusan malarapan antuk palas parabian utawi kapademan.
- (2) Wusan parabian riantuan sinunggal seda mapiteges balu, minakadi balu lanang/istri.
- (3) Palas marabian sangkaning mawiwit wicara.
- (4) Sang ayat palas marabian patur atur supeksa ring Prajuru.
- (5) Asing-asing Krama sane palas marabian patut ngutsahayang akta palas marabian manut Guru Wisesa.
- (6) Sang palas marabian sane sinanggeh pradana, yening polih pahan oka manut daging pamutus, budal kapakubon patut tedun ngrama, yan mulih daha patut katapuk utawi kerob sundul.

Pawos 60

Tata cara palas parabian sakadi ring sor :

- a. Nawur prabeya pesaksi sinalih tunggil sami matenga.
- b. Pagunakaya polih pahan pada.
- c. Pabekel, tadtadan soang-soang kakuasa niri-niri miwah warisan kakuasa antuk purusa.
- d. Ngawuruhin miwah ngupajiwa praktisantana manut suadarmaning guru rupaka.
- e. Nawur pamidanda panumbas kulkul manut pararem.

Pawos 61

Prade riwekas sang palas kacihna adung malih patut :

- a. Sang palas parabian kadadosang adung malih apisan, patut kacihnayang antuk upacara pawiwahan malih.
- b. Pawiwahan sane kaping kalih, yan tan maupacara manut deresta lan agama, yan ngewetuang pianak kabawos astra.
- c. Palas kaping kalih tan dados adung malih mawiwaha, yan kapurug keni pamidanda manut pararem.

(1) Sang balu kabinayang dados :

- a. Balu luh wit sentana (sentana rajeg) miwah balu luh boya sentana.
- b. Balu muani (wit sentana) kapurusa miwah balu muani (boya sentana) nyeburin.

(2) Swadharmaning Balu inucap patut :

- a. Ngamanggihan patibrata tan kengin ngemargiang paradara utawi drati krama.
- b. Nguasayang warisan gunakaya, tan dados ngadol, ngadeang makidiang miwah sewosan, sajawaning kabebasan saking pianak sampun mayusa 17 warsa, utawi kulawarga' pinih tampek sakeng kurenannya.
- c. Kengin ngidih sentana prade wenten pidabdab sedurung sinalih tunggil padem, saha kabebasang antuk kulawarga singgih kapurusa.

Palet 3
Indik Sentana
Pawos 64

- (1) Sentana wenten kalih soroh inggih punika :
Prati Sentana miwah Sentana Paperasan.
- (2) Prati Sentana inggih punika sentana sane metu saking pawiwahan sane kasinanggeh patut.
- (3) Prade pawiwahan tan ngawetuang sentana, kengin ngidih oka saha upasaksi sakala lan niskala, sane kawastanin Sentana Paperasan.
- (4) Sentana Rajeg inggih punika, preti sentana wadon sane kamanggehan purusa tur risampun ngalaksanayang pawiwahan keceburin.
- (5) Preti Sentana miwah Sentana Paperasan inggih punika Sentana sane kasinanggeh patut manut adat lan agama.

Pawos 65

- (1) Ngangkat sentana patut kacihnayang antuk upacara paperasan saha kasaksiang sekala lan niskala.
- (2) Sapasira ugi pacang ngangkat sentana patut masadok ring Prajuru sanistaning asasih sadereng kalaksanayang paperasan.
- (3) Prajuru Desa nyabyahang ring Krama Desa, sang sapasira ugi rumaksa kababatan utawi tan lila, mangda nyadokang ring Prajuru sakirang-kirangnyane kalih wuku sadereng upacara kalaksanayang.
- (4) Prade wenten kababatan, upacara mangda kaandeg dumun nyantos kababatan utawi wicara punika kapuputang, miwah wenten pamutus Prajuru manut pararem.

Pawos 66

- (1) Paperasan sane kapatutang ring Desa Adat Fadpadan risampun
 - a. Mawidi widana Paperasan.
 - b. Kasaksiang olih Prajuru Desa sane makelingang utawi ngilikitayang, tur kasobyahang ring Krama Desa.

- c. Salantur ipun maka cihna bukti riwekas, paperasan inucap patut kamanggehang antuk pamutus Sang Rumawos.
- (2) Sang patut kaperas anggen sentana kadi ring sor :
- Sang sane maagama Hindu.
 - Pernah kapatutang nedunang saking sang mameras.
 - Kulawarga sakeng purusa, prade tan wenten kengin sakeng wadon, utawi pradana, prade tan wenten sakeng wadon utawi pradana, kengin tiyosan manut sang mameras kasungkemin olih kulawarga.
 - Kautamayang saking waris pancer kapurusa.
- (3) Dados ngangkat sentana langkungan ring adiri, lanang utawi wadon, prade ngangkat sentana lanang-wadon tan dados kaparabiang.

Palet 4
Indik Warisan
Pawos 67

- (1) Warisan inggih punika, tetazian arta brana miwah ayah-ayahan ngupadi sukerta sekalalan niskala sakeng kaluhurannya arep ring katurunannya.
- (2) Sane kasinanggeh warisan luire :
- Due tengah makadi. karang ayahan desa, Kahyangan, Pusaka lan salantur ipun.
 - Pamarajan kamulan.
 - Paguna kaya, tsdtadan/jiwa dana lan utang piutang.
- (3) Wawu kengin kabawos warisan prade wenten :
- Sang mapiyurun (pewaris)
 - Katurunan (ahli waris)
 - Artha berana miwah tategenan (ayah-ayah) makacihna warisan

Pawos 68

- (1) Ahli waris, luire :
- Prati sentana purusa.
 - Pati sentana (sentana rajeg).
 - Sentana paperasan lanang/wadon.

- (2) Prade tan wenten sakadi ring ajeng, kang sinanggeah ahli waris :
- a. Turunan purusa pernah ngunggahang rerama lanag, pekak salanturan ipun rerama misan mindon.
 - b. Turunan purusa pernah kasamping makadi kaponakan miwah mindon.

Pawos 69

Swadharmaning ahli waris :

- a. Narima saha ngusayang tur ngayum tatamian pahan saking laluhurnya, minekadi ngempon marajan, Kahyangan saha upakarannya muah ngeledihin ayah-ayahan pawaris.
- b. Ngabenang sang nguwehin waris saha ngalanturang upacara-upacara pitra yadnya.
- c. Nyanggra utawi naur utang-utang sane nguwehin waris manut pangaloika.

Pawos 70

Pangepahan waris manut sakadi ring sor :

- a. Risampun kalaksanayang Pitra Yadnya lan utang-utang pawaris buntas kataur.
 - b. Para ahli waris polih pahan pada sangkaning pagunakaya, sajawaning karang utawi tegal ayahan Desa kaemong olih ahli waris sane sinanggeah Krama Pangarep.
 - c. Sinalih tunggil ahli waris kengin tan polih pahan prade :
 - a. Nilar kawitan miwah sasaning Agama.
 - b. Sentana rajeg kesah mawiwaha utawi pratisantana nyeburin soang-soang kabawos ninggal kadaton.
 - c. Prade taler tan prasida utawi tan cumpu ring panepas Prajuru/Dulu Desa dados tunasang ring Guru Wisesa utawi Sang Rumawos.
- (2) Prade jantos karang Desa kaapah utawi kasepih, patut soang-soang neduning ngrama desa maarep. 2.4.20
- (3) Prade karang inucap kaputungan, patut Prajuru Desa nibakang ring :
- a. Sane sinaggeah ahli waris manut pawos 68 ring ajeng.
 - b. Sane kengin anggen sentana manut pawos 66 (2) miwah (3).

- c. Prade taler tan cumpu kengain katunasang ring Sang Rumawos.

SARGA VI
WICARA LAN PAMIDANDA

Palet 1

Indik Wicara

Pawos 72

- (1) Sane wenang mawosin minekadi mutusang wicara ring Desa Adat inggih punika Prajuru/Dulu Desa sinanggeh Kerta Desa.
- (2) Prade sang wicara tan wenang cumpu ring pamutus Kerta Desa kengin nunasang wicara inucap ring Sang Rumawos (Pengadilan Negeri).

Pawos 73

- (1) Sahanan wicara mawiwit kecoran saka luire sinanggeh nungkasin daging Awig-awig, Pararem miwah Pasuara Desa/Banjar, Prajuru/Dulu Desa digelis mawosin tan nyantos pasadok.
- (2) Sajaba wicara kadi ajeng patut nyantosin pasadok san nunas bawos.
- (3) Panepase patut pastika nyantenang iwang patut melarapan Tri Pramana (saksi, Ilikita, Bukti) miwah tan maren nepak ring Catur Dresta.

Palet 2

Indik Pamidanda

Pawos 74

- (1) Desa/Banjar wenang niwakang pamidanda ring warga Desa sane sisip.
- (2) Paniwak inucap kalaksanayang olih Bendesa Adat/Klian Banjar.
- (3) Bacakan pamidanda luire :
 - a. Ayahan panukun kasisipan.
 - b. Danda arta (desa, danda saha panikel-nikelnya miwah panikel-nikel urunan).

- c. Perampagan.
 - d. Kadaut karang ayahannya.
 - e. Kasepekang.
 - f. Panyangaskara.
- (4) Panidanda sane katiwakang patut masor singgih manut ring kasisipanne.
- (5) Perampagan ngangge tata cara kadi ring sor :
- a. Kalaksanayang antuk Dulu kasarengin antuk Krana Desane tigang diri naka saksi.
 - b. Sang ngarampag sangkaling darasane ngambil utawi nyawenin tanem tuwah, akehnya manu ring hutang sang karampag.
 - c. Prajuru/Dulu miteketang mangda barang-barang sane karampag digelis katebus, masenger awuku ring rahina pacang kaadol.
 - d. Tan nganinin seluwir barang sane patut inggilang manut Agana miwah mademang pangupa jiwa sang karampag.

Pawos 76

- (1) Prade sang pacang karampag ngawara (ngalangin) palaksanaan inucap nawantu sampun lan nganutin awig-awig Desa wenang karang Desa sane kagenahin kadaut antuk Desane.
- (2) Sanalih yan purun taler ngalangin palaksanaan kadi ring ajeng, lan wenten pamargi mith sajawaling kasepekang antuk Krana Desane.
- (3) Panidanda inucap ring ajeng keni buntas risampun sangkakaninin :
- a. Sunas gong pangapura ring Krana Desa riantukan nguak pasubaya (parasan pecat).
 - b. Raur panggerak pangwat pesmyahane duk pacang karampag andulurin parayacita panyaksa kalwangane ring Desa.

SARGA VII

NGUWAB-NGUWUHIN AWIG-AWIG

Pawos 77

- (1) Nguwah-nguwuhin Awig-awig Desa panti kalaksanayang antuk parusan Desa.

(2) Awig-awig puniki kamargiang ngawit kaingkupin (kararemin).

Pawos 78

- (1) Sakaluwiring sane wenten saderengnya patut kaanutang ring sadaging Awig-awig puniki.
- (2) Sakaluwiring sane durung kabawos sajeroning Awig-awig puniki patut kalaksanayang manut tata cara sane sampun mamargi kadulurin antuk pararen-pararem.


SARGA VIII
P A M U P U T
PAWOS 79

- (1) Awig-awig puniki kararemin duk rahina Weraspati Umanis Wuku Pahang, Purnama Sasih Karo, Isaka Warsa 1996, tanggal Masehi 29 Agustus 1996.
- (2) Awig-awig kalingga tanganin antuk Bendesa Adat kasarengin Klian Banjar, lan Prajuru Dinas/Guru Wisesa.
- (3) Luir sang ngalingga tanganin :
1. Kapertama Prajuru/Dulu Desa :

Klian Banjar Padpadan

Bendesa Adat Padpadan

(I NYOMAN LOKA)



2. Kaping kalih Prajuru Dinas/Guru Wisesa,

Kepala Dusun Padpadan

Kepala Desa Petak Kaja

(I NYOMAN LOKA)

(Drs. I KETUT LANUS MULIANA)

C a m a t Gianyar

(Drs. IDA BAGUS GAGA ADI SAPUTRA)

Mengetahui dan telah dicatatatkan

Pada tanggal : 21 Oktober 1996

Nomor : 11 Tahun 1996

BUPATI KEPALA DAERAH TINGKAT II GIANYAR

TJOKORDA GDE BUDI SURYAWAN, SH.

Puput Kasurat ring rahina Buda Pon Wara Medangkungan Pangglong
Ping 11 Caka 1920.